

Tere Jaisa Ram Bhakt Lyrics in English

Teri jaisa Ram bhakt
Koi hua na hoga matwala
Ek jara si baat ki khaatir
Seena phaad dikhaya daala

Aaj Awadh ki shobha lagti
Svarg lok se bhi pyaari
Chaudah varshon baad Ram ke
Raj tilak ki taiyari
Hanumat ke dil ki mat poocho
Jhoom raha hai matwala
Ek jara si baat ki khaatir
Seena phaad dikhaya daala

Ratan jadit hero ka haar jab
Lankapati ne nazar kiya
Ram ne socha abhushan hai
Sita ji ki or kiya
Sita ne Hanumat ko de diya
Ise pehan mere laala
Ek jara si baat ki khaatir
Seena phaad dikhaya daala

Haar haath mein lekar Hanumat
Ghuma phira kar dekh rahe
Nahi samajh mein jab aaya tab
Tod-tod kar phenk rahe
Lankapati mann mein pachtaaya
Pada hai bandar se paala
Ek jara si baat ki khaatir
Seena phaad dikhaya daala

Lankapati ka dheeraj chhoota
Krodh ki bhadak uthi jwala
Bhari sabha mein bol utha kya
Paagal ho Anjani laala
Are haar keemti tod diya
Kya ped ka fal hai samajh daala
Ek jara si baat ki khaatir
Seena phaad dikhaya daala

Haath jod kar Hanumat bole
Mujhe hai kya keemat se kaam
Mere kaam ki cheez wahi hai
Jis mein basate Sita Ram
Ram nazar na aaya ismein
Yun bole Bajrang bala
Ek jara si baat ki khaatir
Seena phaad dikhaya daala

Itni baat suni Hanumat ki
Bol utha Lankawala
Tere mein kya Ram basa hai
Sabha bich mein kah daala
Cheer ke seena Hanumat ne
Siya Ram ka darshan kara daala
Ek jara si baat ki khaatir
Seena phaad dikhaya daala

Teri jaisa Ram bhakt
Koi hua na hoga matwala
Ek jara si baat ki khaatir
Seena phaad dikhaya daala